



UNIVERSITÄTS-
BIBLIOTHEK
PADERBORN

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Qu. X. Qualiter ad conceßionem Indulgentiarum requiratur causa.

[urn:nbn:de:hbz:466:1-72963](#)

440 Disp. IV. De Satisfactione Sacramentali & Indulgencie

verò aliquos reos fieri poenitentiae agendae secundum canones per spatum aliquot millium annorum, declarat Bellarm. *ad l.* 1. de Indulgencie c. 9. Nam si peccatis lethabilibus singulis deberetur secundum Canones penitentia trium vel septem annorum: quis enumeret annos penitentiae, qui secundum canones prescribi deberent iis, qui consuetudinem habent perrandi, vel blasphemandi ad singula prope momenta & frequentissime homicidia, furta, sacrilegia, adulteria perpetrant, ac denique et legimus. Job. c. 15. bibunt quasi aquam chiquitatem?

70. Quid nominis Quodragena & Carenam significetur.

Notandum ex Bellarmino *spr.*, Indulgenciam quadragena significare remissionem penitentiae, quæ quadraginta continuatis diebus in jejuniis aliisque laboriosis operibus facienda esset. Quæ quadragena quando imperabatur acrior, ita ut v.g. solo pane & aquâ contenti esse deberent, qui eam peragebant, Carenam dici solebat, quod videlicet carentiam omnium ferè ciborum continget. Eiusmodi carenam premiti solitam ante septennem penitentiam, testatur Concilium Triburicense can. 55. & Burchardus l. 19.

71. An vel quæ sit differētia inter Indulgenciam plenam, plenioram & plenissimam.

Tertiò dividi solet in Plenam, Pleniorem & Plenissimam: quæ tamen membra non videntur inter se distingui, sed Pontifices utuntur his formulis, ut ostendant absolute se dare maximas quas possunt. Similiter indulgentiae concessæ per modum Jubilæi; immo nec ipsum Jubilæum plenissimum à predictis distinguitur, nisi in quibusdam accidentalibus; ut quod in hoc Concedi soleat major potestas absolvendi à casibus reservatis, dispensandi in votis aut illa commutandi. De quo infra in questione particulari de Jubilæo.

Q U A E S T I O N E

Qualiter ad Cœssionem Indulgenciarum requiratur causa?

72. Ad hanc, immo validè concedendum indulgentias requiritur causa. Ita communiter Theologi, & colligitur ex locutionibus Pontificum: qui semper dicunt indulgentias ex causa pia & justa posse concedi. Ita loquitur Clemens VIII. Extrav. Vnigenitus. Martinus V. in Bullâ, quæ habetur post Concilium Constantiense. Leo X. in Epist. ad Caeteranum. Deinde probatur: quia Papa est dispensator thesauri, & non Dominus; dispensator autem non potest sine causa disponere de rebus Domini; alias enim non dispensator, sed dissipator esset. Probatur III. quia alioquin Papa validè posset uno verbo liberare quotidie omnes animas purgatoriæ; quod est incredibile. Deniq; non potest sine causa relaxare obliga-

tionē voti, ergo nec regatum poenæ, cuius obligatio similiter est juris divini. Quare nisi discreter & ex rationabili causa ista relaxatio fieret, Deus eam non acceptaret.

Dico II. Causa ad concedendum indulgentias debet esse æqualis & proportionata, ut contra plures præstern antiquiores & Valentia, tenet sententia jam communis. Quæ probatur ex jam dictis, tum quia concessio indulgentiarum; quæ parte causa deficit, careret justa & rationabili causa; quam requirunt Pontificum locutiones. Similiter dispensator ad validè operandum indiget etiam causâ proportionatâ. Invalida etiam est dispensatio in voto aut lege superioris, ubi deficit causa proportionata. Denique tam dislōnum est rationi dare indulgentiam magnam ex levi causa, quam parvam ex nulla causa; ergo si hæc non valeat, nescire la valebit.

Valida tamen erit indulgentia sic collata pro parte, pro qua, causa juxta communem sententiam sufficit: nam Pontifex vult ponere remissionem poenæ in quantum potest. Deinde usile non debet per ipsuile vñari, ut habeat Regula Juris in 6.

Causa porro, ob quam indulgentiae condidi solent, non debet esse temporalis, nisi quatenus in causam pietatis redundat, sed debet esse pia & spiritualis, ut infinitat Martinus V. suprà citatus. Ejusmodi est utilitas Ecclesie, promoto cultus Dei vel Sanctorum, extirpatio vitorum, construction templi, propugnatio aut propagatio fidei, & similes. Solet etiam plerunque certum opus prescribi lucraturis indulgentias, quæ quām non sit semper necessarium; cum præcedentia merita ac incitamenta ad imitandum, subinde sufficiant ad concedendas alicui indulgentias nullo operaequisito.

Prout autem concessio indulgentie & opus præscriptum ad præfatos fines pondos multum vel parvum conducunt, censetur indulgentia habere magnam vel parvam causam. Debet tamen utilitas spectari non præcisè ex operibus singulorum (quæ enim aliquam efficaciam habere debeat ad finem intentum, sèpè tamen parvam habent scism spectata) sed quatenus sunt conjuncta operibus totius communictatis aut aliorum fideliū. Quemvis ceteris paribus plus videatur lucrari, cuius opus ratione majoris devotionis plus ceducit ad finem promovendum, quām opus alterius, et si idem sit quoad substantiam. Quod infinitat Bonifacius VIII. Extrav. Antiquorum, dicens: Vnigenitus tamen plus meruit, & indulgentia efficacio consequitur & qui Basilicas ipsas amplius & leviter frequentabit.

Q U E S T I O N E

Q U A E S T I O N E XI.

Qualis Dispositio requiratur in lucraturo Indulgentias?

R E S P. ex communiori Sententia requiri primò ut sit baptizatus: eò quod in lauri Ecclesiastici dispensatio fieri non possit, nisi in solos filios Ecclesiae, quales sunt soli baptizati. Plures tamen existimant non improbabiliter, posse indulgentias castigamen tam vivis quam defunctis applicari per modum suffragii (uti possunt ei applicari satisfactiones propriæ) et si non per modum absolutionis, eò quod non sub sint Ecclesiae. Sic uicem sub sunt baptizati defuncti. Vide dicta de Sacrificio Missæ q. 5.

Secundò requiritur à Doctribus communis status gratiæ pro illo instanti, quo ponitur ultima conditio ad indulgentiam requisitam, ut quo remissio pœnæ esset conferenda: eò quod non videatur tantum beneficium conferendum perseveranti in iniuncta Dei. Hinc est commune proloquium, quod necessaria sit ad indulgentias in Considerante aueritas, in causa pietas, in suscipiente charitas. Sufficit tamen, ut sit in gratia ipse, qui indulgentiæ sit particeps. Unde qui pro defunctis lucratur indulgentiam, non debet esse in gratia, sed satis est, quod ipsi defuncti sint justi. Ratio est: quia ipsi, qui lucrantur indulgentiam pro defunctis, solum præstant opera requisita; quæ non necessariò sunt in statu gratiæ, ut dicetur n. 79. Ita passim Doctores. Immo sicut Scotus 4. 15. q. 1. n. 16. cum aliis pluribus docet satisfactionem sacramentalem in mortali impletam sive pœnam, sic Nonnulli consequenter conjiciunt peccatorem extra gratiam posse promereri indulgentiam pœnarum restantium ex peccatis remissis. Nichil inde hoc repugnat communis Sententia sive sensui Doctorum.

Dixi, requiri statum gratiæ pro instanti, quo ponitur ultima conditio: quia minime requiritur (etsi Aliqui id putent) totum opus requisitum fieri in statu gratiæ, ut patet & praxi Fidelium, qui sepiissimè, præterit in Jubilæis, præcipue opera requisita præmittunt confessioni, adeoque plurima opera conficiunt mortali. Deinde opus requisitum conductit ad finem indulgentiæ, etsi expletatur in mortali, ergo non est necesse quod expletatur in gratia. Quia tamen in mortali expletum est minus efficax, consultissimum est oratione expiere in gratia, ut ita certius sufficiat ad lucrandum & pleniū lucrandum indulgentias.

Tertiò requiritur, ut integrè fiat opus prescriptum; adeo ut ne medietatem quidem indulgentiæ lucraretur, qui tantum

dimidium operis præscripti adimpleset, regre fiantur intelligendæ ut sonant: sonant autem, quod concedantur facientibus integrè opus præscriptum; nec sonant, quod concedantur divilibiliter juxta operis divisionem.

Unde quando datur indulgentia iis qui præmissa confessione sacramentali communicauerint, debet necessariò præmitti confessio ab iis qui sunt in peccato mortali nondum confessi, ut offensæ satentur: immo confessi etiam juxta Plurimos eti concedatur contritus & confessi. Putat tamen Suarez d. 52. sect. 3. n. 13. & alii tunc sufficere contritionem, eò quod juxta subjectam materiam verba illa videantur posse intelligi distributivæ, non copulativæ, velut si diceretur, Civibus & peregrinis; adeoque videatur Pontifex velle concedere, dum vel contriti vel confessi fuerint.

Sed dubitari posset, an confessio in formula indulgentiarum requisita debeat etiam præmitti ab iis, qui habent sola veniam in baptismis. Et quidem posse Pontificem eam require, ut requirit alia opera supererationis, non videtur dubitandum. Immo Sanchez & quidam alii existimant Pontificem censeri id de facto requirere. Verum eti consutissimum & securissimum fit confessionem etiam à talibus adhiberi, existimo tamen cum plerisq; aliis Doctribus, id non esse necessarium, nisi Pontifex expressius suam mentem declarat: eò quod Confessio peccatorum simpliciter intelligatur in Canonibus & præceptis Ecclesiasticis de confessione peccatorum mortaliū; adeoque de eadem loquantur formulæ indulgentiarum: præsertim cum confessio tantum videatur exigi tamquam certius medium obtinendi justificationem, vel tamquam necessaria ad Communionem, quæ frequenter præscribitur.

Quartò requiritur, ut lucratus indulgentias habeat debitum aliquod pœnarum in exculpis remistantium: quia nec pœna possunt remitti ei, qui nullis est obnoxios, nec solent remitti ante culpm.

Potes I. An ad obtainendum indulgentias fit necessarium illas scire, & expressè intendere lucrari? Affirmant plures: sed melius cessaria in negat Portet V. Indulgentia n. 7. in Addit. eò indulgentia quod hoc ex natura rei non videatur nec cessarium, neque etiam aliunde possit. Ne cessitas illius ostendit. Et confirmatur: quia etiam ex propriis operibus satisfactionem obtainemus, etsi vim satisfactivam illorum ignoremus, aut de satisfactione illorum non cogitemus. Similiter potest alter mihi ignoranti applicare fructum suffragii: cur ergo similiter applicare nequeat indulgentiam?

Potes II. An eodem opere possit quis lucrari diversas indulgentias diversis viis confessas: